

Akashvani, Sambalpur

SAMBALPURI NEWS EVENING BULLETIN

7 July 2024- 7.02 pm- 7.12 pm.

୧- ଶ୍ରୀକ୍ଷେତ୍ର ପୁରୀ ନ ଚାଲିଛି ପ୍ରଭୁ ଶ୍ରୀ ଜଗନ୍ନାଥଙ୍କର ରଥଯାତ୍ରା ।

- ରଥାରୁଡ଼ ଶ୍ରୀଜୀଉମାନଙ୍କର ଦର୍ଶନ କଲେ ରାଷ୍ଟ୍ରପତି ଦ୍ରୌପଦୀ ମୁର୍ମୁ- ଘିର୍ଲେ ରଥ ।

- ରଥଯାତ୍ରା ଅବସରେ ଲୁକ୍କୁ ଶୁଭେଚ୍ଛା ଜନାଲେ ରାଷ୍ଟ୍ରପତି, ଉପରାଷ୍ଟ୍ରପତି, ପ୍ରଧାନମନ୍ତ୍ରୀ, ରାଜ୍ୟପାଳ ଆର ମୁଖ୍ୟମନ୍ତ୍ରୀ ।

- ପାତାଳୀ ଶ୍ରୀକ୍ଷେତ୍ର ଆର ଭର୍ଲି ସହେତେ ପଶ୍ଚିମ ଓଡ଼ିଶାର ଭିନ୍ ଭିନ୍ ଜାଗା ନ ହେଉଛି ରଥଯାତ୍ରା ।

୨- ସଂସଦର ବଜେଟ୍ ଅଧିବେଶନ ଆଏବା ୨୨ ତାରିଖକୁ ହେବା ମୁଲ୍ ।

- ୨୩ ତାରିଖ ଦିନ ୨୦୨୪-୨୫ ଆର୍ଥିକ୍ ବଛରର ବଜେଟ୍ ଉପସ୍ଥାପନ କରବେ ଅର୍ଥମନ୍ତ୍ରୀ ।

ଆଉର

୩- ଆଏବା ୧୫ କେ ଘୁର୍ଲା ସିପିଇଟି ପରୀକ୍ଷା ତାରିଖ୍ ।

ରଥଯାତ୍ରା ଆରବନ୍ଦୁ ସମ୍ବଳପୁର

ଶ୍ରୀକ୍ଷେତ୍ର ପୁରୀ ନ ଆଏଜ୍ ମହାପ୍ରଭୁ ଶ୍ରୀଜଗନ୍ନାଥଙ୍କର ବିଶ୍ୱପ୍ରସିଦ୍ଧ ରଥଯାତ୍ରା ହେଉଛି । ମହାପ୍ରଭୁ ଶ୍ରୀଜଗନ୍ନାଥ, ବଡ଼ଭାଇ ଶ୍ରୀ ବଳଭଦ୍ର, ଭଉଣୀ ସୁଭଦ୍ରା ଆଉ ସୁଦର୍ଶନଙ୍କୁ ସାଙ୍ଗେ ନେଇକରି ୯ ଦିନ ଲାଗି ଶ୍ରୀଗୁଣ୍ଡିଚା ମନ୍ଦିରକେ ଘୋଷଯାତ୍ରା ଯାଉଛନ୍ । ଏବେକି ମିଳିଥିବା ସୂଚନା ଅନୁସାରେ ଶ୍ରୀବଳଭଦ୍ରଙ୍କର ତାଳଧ୍ୱଜ ରଥ ଉତ୍ତରୁ ଦେବୀ ସୁଭଦ୍ରାଙ୍କର ଦର୍ପଦଳନ ରଥ ସରଧାବାଳି ଆଡ଼କେ ଯାଉଛି । ଘଂଟ, ଶଙ୍ଖ, ହରିବୋଲ୍, ହୁଲ୍‌ହୁଲି ଭିତ୍ତରେ ଭକ୍ତମାନେ ଦୁହିଁ ରଥକେ ଘିରି ଘିରି ନଉଛନ୍ । ଆଉ କେତେ ସମିଆ ଉତ୍ତରୁ ଶ୍ରୀଜଗନ୍ନାଥଙ୍କର ନନ୍ଦିଘୋଷ ରଥ ଘିଚା ମୁଲ୍ ହେବା ।

ଇ ବନ୍ଧୁର ତିଥିକ୍ଷୟ ହେଉଥିବାରୁ ଆଏଜ୍ ଶ୍ରୀଗୁଣ୍ଡିଚା ଦିନ ହିଁ ଶ୍ରୀବିଗ୍ରହଙ୍କର ନବଯୌବନ ଦର୍ଶନ ଆଉ ନେତ୍ରୋତ୍ସର୍ଭ ଭିଲ୍ ହେଇଛି । ପହପହର ୪ ବାଜିକରି ୪ ମିନିଟ୍ ମଙ୍ଗଳଆଲ୍‌ତୀ ଶେଷ୍ ହେଲା ଉତ୍ତରୁ ମଇଲମ ଆଉ ଅବକାଶ ପୂଜା କରାଯାଇକରି ଦଶଅବତାର ଠାକୁରଙ୍କୁ ବାହୁଡ଼ା ବିଜେ କରାଯାଇଥିଲା । ତେତ୍ତରୁ ତାଟିଫିଟିବାର୍ ସଙ୍ଗେ ଦଇତାପତି ସର୍ବାଙ୍ଗ ଆଉ ନେତ୍ରୋତ୍ସର୍ଭ ବନ୍ଦାପନା ନୀତି ସଖାଲର ୨

ବଜାତକ୍ ସରିଥିଲା । ଶ୍ରୀଜୀଉମାନଙ୍କର ବାକି ଦୈନନ୍ଦିନ ନୀତି
ଉତ୍ତରୁ ସେନାପଟା ଲାଗି, ରଥପ୍ରତିଷ୍ଠା ଆର ମଙ୍ଗଳାର୍ପଣ
କରାଯାଇକରି ଧାଡ଼ିପହଣ୍ଡି ମୁଲ୍ ହେଇଥିଲା ।

ଧାରିକ୍ ସମିଆ ଅନ୍ତସାରେ ପହେଲା ପୁରୀ ଗୋବର୍ଦ୍ଧନ ପୀଠର
ଶଙ୍କରାଚାର୍ଯ୍ୟ ସ୍ଵାମୀ ନିଷ୍ଠୁଳାନନ୍ଦ ସରସ୍ଵତୀ ରଥ ଉପରେ
ଶ୍ରୀଜୀଉମାନଙ୍କର ଦର୍ଶନ କଲା ଉତ୍ତରୁ ଗଜପତି ମହାରାଜ୍
ରଥମାନଙ୍କୁ ଛେରାପହଁରା ନୀତି କରିଥିଲେ ।

ଇ ବଛର୍ ରାଷ୍ଟ୍ରପତି ଦ୍ରୌପଦୀ ମୁର୍ତ୍ତି ରଥଯାତ୍ରାଥୁ ଭାଗ୍
ନେଇଛନ୍ । ସେ ବଡ଼ଦାଣ୍ଡ ନ ଶ୍ରୀଜୀଉମାନଙ୍କର ଦର୍ଶନ
କରବାର୍ ସହେତେ ରଥ ଘିଟିଛନ୍ । ତାଙ୍କର ସଙ୍ଗେ
ରାଜ୍ୟପାଲ୍ ରଘୁବର ଦାସ, ମୁଖ୍ୟମନ୍ତ୍ରୀ ମୋହନ୍ ଚରଣ୍
ମାଝୀ ଆର କେନ୍ଦ୍ରମନ୍ତ୍ରୀ ଧର୍ମେନ୍ଦ୍ର ପ୍ରଧାନ ଭିଲ୍
ଶ୍ରୀଜୀଉମାନଙ୍କର ଦର୍ଶନ କରବାର୍ ସହେତେ ରଥ
ଘିଟିଛନ୍ । ବିରୋଧୀ ଦଲ୍ ନେତା ନବୀନ୍ ପଟ୍ଟନାୟକ୍ ଭିଲ୍
ରଥାରୁଡ଼ ମାହାପୁରୁମାନଙ୍କର ଦର୍ଶନ କରିଥିଲେ ।

ରଥଯାତ୍ରା-

ପଶ୍ଚିମ

ଓଡ଼ିଶା

ସୁବର୍ଣ୍ଣପୁର/ ବରଗଡ଼/ ସମ୍ବଲପୁର/ ବୌଦ୍ଧ/ ଦେବଗଡ଼/ ନୂଆପ

ଡ଼ା/ କଲାହାଣ୍ଡି

ଶ୍ରୀକ୍ଷେତ୍ର ପୁରୀ ସହେତେ ଆଏଜ୍ ରାଜ୍ୟର ଗାଁ ସହର ସବୁ
ନ ରଥଯାତ୍ରା ହଉଛି । ପଶ୍ଚିମ ଓଡ଼ିଶାର ସୁବର୍ଣ୍ଣପୁର ଜିଲ୍ଲାର
ପାତାଳି ଶ୍ରୀ କ୍ଷେତ୍ର ନ ଶ୍ରୀମନ୍ଦିରର ନୀତିକାନ୍ତି ଆର ପରମ୍ପରା
ଅନୁସାରେ ରଥଯାତ୍ରା ହଉଛି । ତ୍ରିକୁଟ ପର୍ବତର ଛଳିଆ ଶିଖର
ମନ୍ଦିରକୁ ଚତୁର୍ଦ୍ଦିଗକୁ ସେବାୟତମାନେ ଧାଡ଼ିପହଞ୍ଚିଥି ଶହେ ୮
ପାହୁଁର ଉତ୍ତରେଇକରି ବଡ଼ଦାଣ୍ଡକେ ଆନିଥିଲେ ଆଉର
ମାହାପୁରୁମାନଙ୍କୁ ରଥେ ବିରାଜମାନ କରାଯାଇଥିଲା । ତାର
ଉତ୍ତରୁ ରଥଘିଟା ମୁଲ୍ ହେଇଛି । ପାତାଳି ଶ୍ରୀକ୍ଷେତ୍ର ନ
ରଥଯାତ୍ରା ଲାଗି ହଜାର ହଜାର ଭକ୍ତଙ୍କର ସମାଗମ ହେଇଛି ।

ବରଗଡ଼ ଜିଲ୍ଲାର ଭରଲି ନ ଦଧିବାମନ ମାହାପୁରୁଙ୍କର
ରଥଯାତ୍ରା ହେଇଛି । ଆଏଜ୍ ପହପହନୁ ସବୁ ନୀତିକାନ୍ତି ସଙ୍ଗେ
ମାହାପୁରୁଙ୍କର ନେତ୍ରୋତ୍ସବ ଆର ନବଯୌବନ ଦର୍ଶନ
ହେଇଥିଲା । ମାହାପୁରୁଙ୍କୁ ପହଞ୍ଚି କରିକରି ରଥଦାଣ୍ଡକେ
ନିଆଯାଇଥିଲା । ସେନ ଛେରାପହଁରା ଉତ୍ତରୁ ଦଧିବାମନ
ମାହାପୁରୁଙ୍କୁ ରଥ ନ ବିରାଜମାନ କରାଯାଇଥିଲା ।
ମଙ୍ଗଲଆଳତୀ ଆର ଛୋଟ୍‌ଛୋଟ୍ ଛୁଆମାନଙ୍କର ରଥଛୁଆଁ ବିଧି
ଉତ୍ତରୁ ରଥଘିଟା ଯାଇଥିଲା । ପାର୍ ଭଲଥିବାରନୁ
ଦଧିବାମନଙ୍କର ରଥଯାତ୍ରାର ଲାଗି ପଶ୍ଚିମ ଓଡ଼ିଶା ସହେତେ
ପଡ଼ୋଶୀ ଛତିଶଗଡ଼ ରାଏଜୁ ଖୋର୍ ସଂଖ୍ୟାଥୁ ଭକ୍ତଙ୍କର
ସମାଗମ ହେଇଛି ।

ସମ୍ବଲପୁର ଥାର ରେଡ଼ାଖୋଲ୍ ସହର ସହେତେ ଜିଲ୍ଲାର
ଭିନ୍ ଭିନ୍ ଜାଗା ନ ରଥଯାତ୍ରା ହେଉଛି । ସମ୍ବଲପୁର ନ
ଝାଡୁଆପଡ଼ାର ବ୍ରହ୍ମପୁରା ମାହାପୁରୁଙ୍କର ପହଣ୍ଡି ଉତ୍ତରୁ ବାକି
ପଡ଼ାମାନକୁ ମାହାପୁରୁମାନଙ୍କର ପହଣ୍ଡି କରାଯାଇଥିଲା ।
ରଥମାନକୁ ବିରାଜୁଥିବା ମାହାପୁରୁଙ୍କରଙ୍କ ଠାମେ ଭାତଖୁଆନି
ହେଇସାରିଥିବା ଛୁଆମାନଙ୍କର ରଥଛୁଆଁ ବିଧି କରାଯାଇଥିଲା ।
ତାରୁତ୍ତରୁ କେନ୍ଦୁଗୁ ଚଳିଆସୁଥିବା ପରମ୍ପରା ଅନ୍ୟାରେ
ବଡ଼ସଡ଼ଖେ ସବାଆଘୋ ବ୍ରହ୍ମପୁରା ମାହାପୁରୁଙ୍କର ରଥ ଉତ୍ତରୁ
ବାକିପଡ଼ା ମାନଙ୍କର ରଥ ଘିଟା ଚାଲିଛି ।

ବୌଦ୍ଧ ନ ଉପର୍ବେଲା ରଥଘିଟା ମୁଲ୍ ହେଇଛି ।
ଜଗନ୍ନାଥ ମନ୍ଦିର ନ ସଖାଲେ ତିନୁହି ମାହାପୁରୁଙ୍କର
ନବଯୌବନ ଦର୍ଶନ ଥାର ନେତ୍ରୋତ୍ସବ୍ ହେଇଥିଲା । ମଧ୍ୟଧାନେ
ତିନୁହି ମାହାପୁରୁଙ୍କୁ ପହଣ୍ଡି କରିକରି ରଥକେ ଅନାଯାଇଥିଲା ।
ଉପର୍ବେଲା ରଥଘିଟା ମୁଲ୍ ହେଇଛି ।

ଦେବଗଡ଼ ପୁରୁଣାଗଡ଼ ନ ଥିବା ଜଗନ୍ନାଥ ମନ୍ଦିରଥୁ ଆଏଜ୍
ସଖାଲୁ ମାହାପୁରୁଙ୍କର ନବଯୌବନ ଦର୍ଶନ ଥାର ନେତ୍ରୋତ୍ସବ୍
ହେଇଥିଲା । ସଞ୍ଜବେଲା ତିନୁହି ମାହାପୁରୁଙ୍କୁ ପହଣ୍ଡିଥୁ
ଅନାଯାଇକରି ରଥଥୁ ବିରାଜମାନ କରାଯାଇଛି ।

ନୂଆପଡ଼ା ଜିଲ୍ଲାର ଖଡ଼ିଆଲ୍ ନ ଦଧିବାମନ୍ ମନ୍ଦିର
ସାନଗୁଡ଼ି ଥାର ମଝିଆଗୁଡ଼ି ନ ରଥଯାତ୍ରା ହେଉଛି । ଯୁବରାଜ
ଦେବ ଦେବ ସିଂହଦେଓ ଛେରାପହଁରା କଲା ଉତ୍ତରୁ ଚତୁର୍ଦ୍ଦିଗୁଡ଼ିକୁ

ରଥାରୁଡ଼ି କରାଯାଇଥିଲା । ଦେବୀ ସୁଭଦ୍ରାଙ୍କର ରଥକେ ଖାଲି ମହିଳାମାନେ ଘିଟିଥିଲେ ।

କଳାହାଣ୍ଡି ଜିଲ୍ଲା ସଦର ମହକୁମା ଭବାନୀପାଟ୍ଣା ସହେତେ ଜିଲ୍ଲାର ଭିନ୍ ଭିନ୍ ଜାଗା ନ ରଥଯାତ୍ରା ହେଇଛି । ଭବାନୀପାଟ୍ଣା ନ ମାହାପୁରୁମାନଙ୍କର ପହଣ୍ଡି ବିଜେଥି ରାଜା ଅନନ୍ତ ପ୍ରତାପ ଦେଓ ବଳଭଦ୍ରଙ୍କର ପାଟଦଉଡ଼ି ଧରିଥିବାର ବେଳେ ରାଜପରିବାରର ସଦସ୍ୟ ଫତେକେଶରୀ ଦେଓ ଦେବୀ ସୁଭଦ୍ରାଙ୍କର ଆର ଅର୍କକେଶରୀ ଦେଓ ଜଗନ୍ନାଥ ମାହାପୁରୁଙ୍କର ପହଣ୍ଡି ବିଜେ କରିଥିଲେ । ତାର ଉତ୍ତରୁ ରଥଘିଟା ମୂଲ୍ ହେଇଥିଲା ।

ରାଷ୍ଟ୍ରପତି- ଓଡ଼ିଶାଗଣସ୍ତ ଆରବନ୍ଧୁ / ସମ୍ବଲପୁର

ରାଷ୍ଟ୍ରପତି ଦ୍ରୌପଦୀ ମୁର୍ଖୁ ତାଙ୍କର ଇ ୪ ଦିନିଆ ଓଡ଼ିଶା ଗଣସ୍ତ ଆବବାକାଏଲ୍ ଖଣ୍ଡିଗରି ଆଉ ଉଦୟଗିରି ଗୁମ୍ଫା ପରିଦର୍ଶନ କରବାର ସହେତେ ବିଭୂତି କାନୁନ୍‌ଗୋ କଳା ଆଉ ହସ୍ତଶିଳ୍ପ ମହାବିଦ୍ୟାଳୟ ଆର ଉତ୍କଳ ସଂସ୍କୃତି ବିଶ୍ୱବିଦ୍ୟାଳୟ ଯାଇକରି ଛାତ୍ରଛାତ୍ରୀମାନଙ୍କର ସାଙ୍ଗେ ମତ ବିନିମୟ କରବାର କାର୍ଯ୍ୟକ୍ରମ ରହିଛି । ଇତାରସଙ୍ଗେ ରାଷ୍ଟ୍ରପତି ଭୁବନେଶ୍ୱର ପାଖର ହରିଡ଼ାମଡ଼ା ଗାଁ ନ ବ୍ରହ୍ମକୁମାରୀ ଅନୁଷ୍ଠାନ ତରଫୁ ତିଆର ହେଇଥିବା ଦିବ୍ୟ ରିଟ୍ରିଟ୍ କେନ୍ଦ୍ରକେ ଉଦ୍‌ଘାଟନ କରବାର ସହେତେ ଲାଇଫ୍ ଷ୍ଟାଇଲ୍ ଫର୍

ସଞ୍ଜେନବିଲିଟି ଅଭିଯାନର ଶୁଭାରମ୍ଭ କରବେ । ଆଏବା ୯
ତାରିଖ ଓଡ଼ିଶାଗଣସ୍ତର ଶେଷ ଦିନ ରାଷ୍ଟ୍ରପତି ଭୁବନେଶ୍ୱରର
ନାଇଜରର ୧୩ ନମ୍ବର ସ୍ନାତକ ସମାରୋହଥି ଯୋଗୁ
ଦେବାର କାର୍ଯ୍ୟକ୍ରମ ରହିଛି ।

ସଂସଦର ବଜେଟ୍ ଅଧିବେଶନ

ଆରବନ୍ଧୁ

/ସମ୍ବଲପୁର

ସଂସଦର ବଜେଟ୍ ଅଧିବେଶନ ଆଏବା ୨୨ ତାରିଖରୁ ମୁଲ୍
ହେଇକରି ଅଗଷ୍ଟ ମାସର ୧୨ ତାରିଖତକ ଚାଲିବା ବଳି
କେନ୍ଦ୍ର ସଂସଦୀୟ ମନ୍ତ୍ରୀ କିରେନ୍ ରିଜିକୁ ସୂଚନା ଦେଇଛନ୍ ।
ସେ କହିଛନ୍ ଯେ, ଆଏବା ୨୨ ତାରିଖ ଦିନ ଲୋକସଭା
ଆର୍ ରାଜ୍ୟସଭାର ଅଧିବେଶନ ଡକାବାର ଲାଗି
ସରକାରଙ୍କର ପ୍ରସ୍ତାବକେ ରାଷ୍ଟ୍ରପତି ଦ୍ରୌପଦୀ ମୁର୍ମୁ
ଅନୁମୋଦନ କରିଛନ୍ । ଆଏବା ୨୩ ତାରିଖ ଦିନ କେନ୍ଦ୍ର
ଅର୍ଥମନ୍ତ୍ରୀ ନିର୍ମଳା ସୀତାରମଣ୍ ଲୋକସଭା ନ ୨୦୨୪-
୨୫ ଆର୍ଥିକ୍ ବଛରର ବଜେଟ୍ ଉପସ୍ଥାପନ କରବେ । ସେ
ଲଗାତାର ୭ ନମ୍ବର ଥର୍ ଲାଗି ବଜେଟ୍ ଆନିକରି ରେକର୍ଡ୍
ଭିଲ୍ କରବେ । ଇନ ଜନେଇ ଦିଆଯାଇପାରେ ଯେ, ଫି’
ବଛର ଫେବୃଆରୀ ମାସେ କେନ୍ଦ୍ରୀୟ ବଜେଟ୍ ଆଏସି,
ହେଲେ ଇ ବଛର ସାଧାରଣ ନିର୍ବାଚନ ଲାଗି ଗଲା
ଫେବୃଆରୀ ମାସେ ଅନ୍ତରିଶ ବଜେଟ୍ ଆସିଥିଲା ।

ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀଙ୍କର ୩ ନମ୍ବର ପାଲିର ଇଟା
ପହେଲା ବଜେଟ୍ ହେବା ।

ସିପିଇଟି ପରୀକ୍ଷା ଆରବନ୍ଧୁ / ସମ୍ବଲପୁର

ରାଏଜେ ଆଏବା କାଏଲ୍ ହେବାର୍‌କେ ଥିବା ଏକକ ପିଠି
ପ୍ରବେଶିକା ପରୀକ୍ଷା-ସିପିଇଟି କେ ଆଏବା ୧୫ ତାରିଖ୍‌କେ
ଘୁଟାଯାଇଛେ ବଲି ଷ୍ଟାପ୍ ସିଲେକ୍ସନ୍ ବୋର୍ଡ୍ ତରଫୁ ସୂଚନା
ଦିଆଯାଇଛେ । ହେଲେ ୮ ତାରିଖ୍ ଦିନ ଯେନ୍ ଯେନ୍ ବିଷୟ
ପରୀକ୍ଷା ଯେନ୍ ସିଟିଂ ଥିଲା ସେ ଅନ୍‌ସାରେ ୧୫ ତାରିଖ୍
ପରୀକ୍ଷା ହେବା ବଲି କୁହାଯାଇଛେ । ଇ ବାବଦ୍ ଅଏତ୍‌କା
ସୂଚନା ସାମ୍ବ ଡ୍ଫେବ୍‌ସାଇଟ୍ ଆର ଏସ୍‌ଏସ୍‌ବି ଡ୍ଫେବ୍‌ସାଇଟ୍‌ଥୁ
ଅଛେ ।

ଇନ ଜନେଇ ଦିଆଯାଇପାରେ ଯେ, ଇ ବଛର୍ ଜଗନ୍ନାଥ
ମାହାପୁରୁଙ୍କର୍ ଗୁଣ୍ଡିଚା ଯାତ୍ରା ୨ ଦିନ୍ ଧରିକରି
ହେଉଥିବାର୍‌ନୁ ରାଜ୍ୟ ସରକାର୍ ୨ ଦିନ୍ ଛୁଟି ଘୋଷ୍ଣନା
କରିଛନ୍ । ଆଏବା କାଏଲ୍ ସୋମ୍‌ବାର୍ ଦିନ ରାଜ୍ୟର୍ ସବୁ
ସରକାରୀ ଅନୁଷ୍ଠାନ୍ ସଙ୍ଗେ ସରକାରୀ ଆର୍ ଘରୋଇ
ସ୍କୁଲ୍, କଲେଜ୍ ଆର୍ ବିଶ୍ୱବିଦ୍ୟାଳୟ ବନ୍ଦ ରହେବା ।

ନାଗରିକ୍ ସମ୍ବର୍ଦ୍ଧନା ସମାରୋହ

ଆରବନ୍ଧୁ/ କଟକ୍

ଭାରତୀୟ ଜନତା ପାର୍ଟି ପାନପୋଷ ସାଂଗଠନିକ୍ ଜିଲ୍ଲା କାର୍ଯ୍ୟାଳୟ ନ କେନ୍ଦ୍ର ଆଦିବାସୀ ବ୍ୟାପାର ମନ୍ତ୍ରୀ ଜୁଏଲ୍ ଓରାମ୍ ଆର୍ ବିଧାୟକ ଦୁର୍ଗାଚରଣ୍ ତନ୍ତାଙ୍କୁ ନାଗରିକ୍ ସମ୍ବର୍ଦ୍ଧନା ଆର୍ ମତଦାତା ଅଭିନନ୍ଦନ୍ ସମାରୋହ ହେଇଯାଇଛେ । ବିଜେପି ଜିଲ୍ଲା ସଭାପତି ଲତିକା ପଟ୍ଟନାୟକ୍ ସମାରୋହଥୁ ଅଧ୍ୟକ୍ଷତା କରିଥିଲେ । ଦଳମତ ନିର୍ବିଶେଷଥୁ ସଭେ ମିଶିକରି ସୁନ୍ଦରଗଡ୍ ଆର୍ ରାଉରକେଲାର ବିକାଶ୍ ଲାଗି ନିଜକୁ ଉତ୍ସର୍ଗ କରବାରକେ କେନ୍ଦ୍ରମନ୍ତ୍ରୀ ଶ୍ରୀ ଓରାମ୍ ଆହ୍ୱାନ ଜନେଇଥିଲେ । ସମାରୋହଥୁ ଭିନ୍ ଭିନ୍ ସଂଗଠନର ପ୍ରତିନିଧିମାନେ ଭାଗ ନେଇଥିଲେ ।

ହାତୀ ଆକ୍ରମଣ- ମହିଳା ମୃତ ହିନ୍ଦୁସ୍ଥାନ ସମାଚାର

ସୁନ୍ଦରଗଡ୍ ଜିଲ୍ଲା କୋଇଡ଼ା ଥାନା ଇଲାକାର୍ ତୋଡ଼ା ଗାଁ ନ ଆସକ୍ ପହପହ ସମିଆଥୁ ହାତୀ ଦଳିଦେବାରନ୍ତୁ ଝନେ ମହିଳାଙ୍କର ମୃତ୍ୟୁ ହେଇଛେ । ସେ ଜଙ୍ଗଲକେ ଛତୁ ବେଟ୍ବାର ଲାଗି ଯାଇଥିବାର ବେଲେ ହାତୀ ତାହାକୁ ଆକ୍ରମଣ କରିଥିଲା । ଖବର ପାଇକରି ଜଙ୍ଗଲ ବିଭାଗ କର୍ମଚାରୀମାନେ ଘଟ୍ଟନାଜାଗାକେ ଯାଇଥିଲେ ।